



1330

13-11-2017

1347

Broj: 11-05-38-sl./16  
Sarajevo, 13.11.2017. godine

## SKUPŠTINA KANTONA SARAJEVO

**PREDMET:** Odgovor na zastupničko pitanje, br: 01-05-28024/17 od 04.10.2017. godine, *dostavlja se*

**PITANJE:** Zastupnik u Skupštini Kantona Sarajevo Selma Filipović, na 33. Radnoj sjednici Skupštine Kantona Sarajevo, održanoj dana 02.10.2017. godine, u okviru tačke Dnevnog reda „Poslanička pitanja, inicijative i odgovori“, postavio je sljedeće zastupničko pitanje:

„Kako je stavom 1. člana 155. Zakona o visokom obrazovanju („Službene novine Kantona Sarajevo“ broj: 33/17) jasno definisano da se rad Univerziteta u Sarajevu finansira iz budžeta, a članom 156. istog Zakona propisano je da se finansijsko poslovanje Univerziteta u Sarajevu vrši u skladu sa Zakonom o budžetima u FBiH, molim Vas da mi predočite šta je Vlada Kantona Sarajevo preduzela s ciljem osiguranja pune zakonitosti u radu i finansijskom poslovanju budžetskog korisnika Univerziteta u Sarajevu sa stanovišta utvrđivanja osnovice za obračun plaća na Univerzitetu u Sarajevu, što je obaveza prije utvrđivanja Budžeta za 2018. godinu, a ista je propisana članom 5. Zakona o izmjenama zakona o plaćama i naknadama u organima vlasti u FBiH (Službene novine KS br. 20/17)

Ujedno tražim da mi se dostavi informacija o tome kada je zadnji put utvrđena osnovica za obračun plaća na Univerzitetu u Sarajevu od 2007. godine do danas.

### ODGOVOR:

Odredbom člana 155. Zakona o visokom obrazovanju obrazovanju („Službene novine Kantona Sarajevo“ broj: 33/17) propisano je da se rad Univerziteta u Sarajevu i njegovih organizacionih jedinica finansira iz Budžeta Kantona Sarajevo na osnovu odluke o kriterijima za finansiranje Univerziteta/organizacione jedinice koju na prijedlog Ministarstva donosi Vlada.

Odredbom člana 158. istog Zakona propisano je da se dodjela sredstava za rad Univerziteta u Sarajevu iz Budžeta Kantona vrši na osnovu kriterija koje na prijedlog Ministarstva, a uz prethodno pribavljeni usaglašeni prijedlog Senata i Upravnog odbora Univerzitet u Sarajevu, utvrđuje Vlada. Rektor je obavezan inicijalni prijedlog Senata i Upravnog odbora dostaviti Ministarstvu najkasnije u roku od 90 dana od dana stupanja na snagu ovog zakona.

Shodno naprijed navedenom, očekuje se da u narednom periodu nadležni organi Univerziteta u Sarajevu, putem resornog ministarstva, dostave Vladi Kantona Sarajevo na razmatranje prijedlog kriterija za finansiranje Univerziteta u Sarajevu.



U vezi sa sa osnovicom za obračuna plata na Univerzitetu u Sarajevu informišemo Vas da je osnovicu kao i koeficijente za obračun plata na Univezritetu u Sarajevu Vlada Kantona Sarajevo utvrdila 2007. godine i isti do danas nisu mijenjani.

Sagledavanje adekvatnosti osnovice i koeficijenata za obračun plata na Univerzitetu u Sarajevu će biti vršeno u širem kontekstu, a posebno u procesu uvođenja Univerziteta u Sarajevu na sistem trezorskog poslovanja.

S poštovanjem,



**Dostaviti:**

1. Naslovu,
2. Stručna služba Vlade Kantona Sarajevo
3. a/a

